

花
宜
館
詩
鈔

花宜館詩鈔卷之十三

錢塘吳振棫宜甫

古今體詩六十四首

起戊申
盡己酉

永濟池詩

有序

清平山邑也無水病渴城東濟生池厥塞久矣
汪君申祿力事修復而其舊制之未善者又爲
之溝以達其往民咸稱便於是中丞善化賀公
易其名永濟而與長沙河間二李公爲文以張
之余無以加也獨念古人有所興作苟利於民
必爲之歌以美其成功如召信臣鉗盧陂薛大

不刊言金 卷一三
鼎無棣渠諸歌是已因爲新池詩一章以宣父
老之意

新池之水其流淙淙導之自南乃西乃東百年之塞一
朝之通畚鍤如雲富利大同耆艾欣欣來游來從澤匪
自天汪侯所興

汪侯旣來惟我民愛伐鼓召衆罔有避回我池我泉我
汲我漑導源疏委蕩滌蒙晦我民之生我侯之賚後哲
監今弗廢弗隊

水口寺小樓落成同人爲蔣濂生廉訪爵遠設餞

是日大雨見齋中丞遂以賞雨榜之因成一律

灑生時擢

山東臬使

雨聲怒夏修羅仗樓勢高臨祇樹園左海離情催玉勒
亂山涼意到金樽題名字帶蛟涎濕得食廚添雀語喧
歸路寺橋看怪石漲痕沙岸沒魚鼈

簡胡潤之太守

林翼潤之典試江南正主考某
因事失官潤之亦以失察牽連被

議改捐

知府

濟時端仗出羣才詞賦雕蟲技小哉要使蒼生足絲穀
何須仙境戀蓬萊紀羣交舊吾將老尊翁芸閣先生與
余同爲實錄
館提君爲陶雲汀先生壻衛樂名高世共推
幸得相逢清宴日荷
亭新月一傾杯

前雲貴總督賀公挽詞

公名長齡字耦庚湖南善化人戊辰進士

樸厚迴風氣飛叛失羽儀好儒迂不諱論數晚仍奇小
別荀香遠長吟楚些悲邊人恩共戴故吏諫何辭少日
衡湘上能爲屈宋奇清芬扇蕩芷逸勢起蛟螭

玉殿簪毫入鋒車奉使馳

今皇尤歎賞外擢到台司閩嶠催征騎章江映畫旗岱
雲春暎靄吳月路威遲屬以河流梗深籌海運宜積儲

紓國患條議勒成規

在江蘇督辦海運事畢刊海運成案一書

爲念邊陲重

宜兼文武資十年勞鎮撫

公歷官江西山東福建江蘇泊撫貴州在任凡十年

意活貧羸拂拭橫經彥矜全恤緯婺溪杭香社酒山榭

足機絲

撫黔日創立及幼堂尙節堂以贍孤寡又增孤

董勸農桑尤所留意又嘗設紡織局

像有羣蠻拜名從走卒知連圻榮授

鉞極微警登陴聞說車初下無端節遠移前人忘曲突

小劫歎潢池

遷雲貴總督甫至卽赴池西督辦漢回互鬪之案

積釁花門橫攻

堅竿渡危賞功翻被紿盡殺畏傷慈倉卒無奇畧傳聞

有異詞冤禽啼慘慄困獸鬪躩踞嚴譴罪難贖故鄉歸

恨遲餘生老蓬累再拜謝湘纍方喜鄰翁洽重遭鬼監

欺空勞嘗毒草無處覓華芝瘴嶺趨官日高衙蹋鼓時

風塵嘗自歎霄漢每相期花侑山龕酒雲催雨陌詩步

塵曾幾載歎逝忽今茲比屋謳思久非余感激私藥公

原有社朱邑豈無祠古調亡琴乍荒阡掛劍誰試看今
日淚都墮峴山碑

見齋中丞西湖圖

湖隸孝
感縣

杭州西湖天下無潏川客亦吟西湖西湖之名蓋數見
難在實與名相符潏川水流環百里遠近雲山同畫裏
淡妝濃抹總宜人亦是人間一西子空窗曉瀉烟濤聲
宛然載我風帆行冰綃三尺秋滿眼是誰妙筆工經營
雲歸浦口村路失月出沙頭津樹明水禽兩三不可識
將眠復起啞啞鳴浮家得此樂何極不用跨鶴求仙瀛
人間烟水都堪弄我輩偏慚逐塵鞋各有西湖不肯歸

却從畫裏尋鄉夢

西穀九兄以聚頭扇書五古一首寄予黔南

弟兄十年不相見以扇寄詩聊代書定呼嬌女扶病臂

兄患臂痛作字令女扶臂爲之集中嘗紀以詩揮灑笏庵清睡餘笏庵寂寞何

所有蔬飯一盂詩幾首生平慣向邗州住蹤跡宛然先

祭酒穀人先生花枯酒涸管絃荒邗州兵後月悽涼不官又

復不歸去老作寓公貧可傷故廬只在南屏下兩家都

有耽吟者好詩君唱必衆酬安得人如扇聚頭

將去黔南悵然有作

戊申八月拜晉藩之命

蠻鄉殊寂寞久住覺情深昨夜聞初雁難爲去客心臨

池剛結屋種竹已成林更有孤亭鶴時時苔徑尋
人情諒疎拙亦不我疵瑕野屐山山寺春杯歲歲花村
書尋學舍釣具乞漁家別後難忘著溪烟與嶺霞

高吟有良友辛苦學陰何揮手一云別川原秋思多他
時休沐暇誰共短長歌渺渺愁何許洞庭寒始波

小奴初解事道遠要輕裝破睡留書卷扶羸仗藥囊此
行憐故舊七度問津梁來付七次帳飲難辭醉長亭柳正黃

趙蔭圃司馬以詩集見寄

時爲古州同知

悲歌忼愾託平生似聽西風易水聲蔭圃易州人鎖印歲闌

拋吏事倚樓人老賸詩名難忘竹色湘波遠舊官湖南新種

榕陰瘴嶺晴溪谷近來文字正好將清韻播琴笙

雲溪友議

南中丞卓爲黔中經畧使大更風俗凡是溪谷呼吸文字皆同秦漢之音

苗笙

截竹短兼長何曾解煖簧漫山儘遊冶吹月也宮商船
笛悽村步邊笳裂曉霜客腸容易斷况是滯蠻鄉

雞縱

蔬腸貪雋味何羨日雙雞白似海珂雪柔於女手莢鋤
香蒸嶺雨筐重帶春泥不向天廚貢山中價自低

據張九誠

詩則此物前明嘗充貢

食茱萸

浙人呼辣茄黔人呼辣角李時珍本草食茱萸也

味出辛盤外黔人慣飽嘗貧餐抵鹽酪貧家食每無鹽此味必不可少
冬蓄亂紅黃纍纍然繩貫而繫之橋以爲旨蓄也椒覺盈升少萸非入佩
香近來能稍稍七載容殊方

宿谷腳

久客今去黔轉念入黔始歲月下坂輪西風幾回起當
時迎我者跼蹐雪中履太息芙蓉城縹渺失之子王寅正月
至黔般石二生冒風雪迎見於谷腳今石生已下世矣死生一夜且懷舊情曷已
明燈照孤影有涯念生理鑷白真可慚仕宦不知止

響琴峽

雙厓對立削鐵成上摩天闕與雲平俯視不測烟冥冥

石梁橫跨通人行墮井窺見天光明不知日月何方生
怒澗穿石勢建瓴雪瀑飛捲鷲羽輕海鮪歎飲潮倒傾
龍公捧檄驅雷霆阿香推車無暫停兩甄合戰鏡鼓鳴
萬馬蹴踏虜帳驚銅山碎裂宵旬聞者震掉心怦怦
胡乃以琴爲之名琴含太古移我情大絃春溫小絃清
九十一聲無此聲或者縹渺仙之靈愛此幽險飛馭經
華山毛女招媼姪東陽石室幽不扃曲罷月落霜峯青
世上傳說驚聾盲大書深刻不可更此意是非誰與評
狂吟付與黃猿聽

飛雲巖

西湖甲天下奇妙無此山往來七度遊得謂非夙緣此
遊豈緣盡愛戀彌惓惓遠攬霞外嶺坐聆松杪泉垂空
佛母乳古碧凝秋堅摩挲到苔壁有句誰爲鐫鴻泥懷
舊跡昔少今衰年焉能把茅住身與雲俱閒西湖縱不
返蕙帳甘嘲訕

至鎮遠廖伊臣太守

維勳

招飲新築小樓

清風掃六合秋色蕭然來翠尊且召客雨過江樓開江
樓何岌岌窗窗納山綠俯聞邪許聲百丈走相屬買舟
今幾回沅湘客程遠痛飲君可師去日不復返

聞移藩四川

迢迢馬首向并門中路移官又拜

恩天遣重尋山水窟我愁難認雪泥痕

余十歲從先大夫于蜀二十一

請京師

籌邊樓迴才誰繼講學堂空道自尊待向棠陰談

往事益州耆舊幾人存

文翁學堂圖見唐志

贈別陶查仙同年

時官常德同知

君家家風慕羲皇胷中秋毫不肯藏不修邊幅得疎野
率爾談論無猜防宰相班見政事堂笑而睨之不謂良
廿年坐此淹冷局逸足百輩雄騰驤外遷裁得郡司馬
地苦卑濕交沅湘旁人憇君帶京債飭治車馬宜輝煌
而君不屑意於此囊視便出宣南坊到官失喜百無事

且許老眼娛縑緜別經六載此復見黑瘦憐我來蠻鄉
君家主孟能啗我一醉萬想墮杳茫卻有一事要商略
桃源小縣百里強其間洞天有深窈近白馬渡江蒼蒼
神仙隱遁置不論但惜林芴薶荒岡桃栽萬千須遍乞
手鋤督作童奴忙明年三月好雨足一川爛漫丹霞光
賓佐晴泛閒攜將春風滿船巾履香君當續記相頽頽
淵明一篇味最長

江上

白鷺飛來踏浪花寒魚得汕便爲家估帆爭向沙頭落
笙竹陰陰酒旆斜

襄陽羅淡村觀察

道殿

席上作

下馬銅鞮坊外路，轅門日色上朱旗。
襄樊形勝古稱最，管樂人材今屬誰。
捉廬而談豪氣在，飛觴無算午陰移。
高陽池上風流甚，茗芋何妨倒接騶。

樊城口號

三峴青遮驛舍前，出門江水入空烟。
此來不負經旬住，飽食槎頭縮項鱸。

望鹿門山感王孟事

詩人異顯晦名並，開元間狂遊入禁闈。
驚觀天子顏故人，早榮膺野客終放還。
干戈迫僞署涕淚吟野烟，焉能

佛力庇始苦浮名牽嗟嗟藍田墅何如鹿門山

欲遊百泉不果

曾聞百泉上霜晚穀紋平彷彿松篁際泠泠長嘯聲寒
禽催日落疲馬怯沙行指點蘇門近山光霞外明

金愿谷中翰

丙變寓齋作

食宿欣有託旅人儼如歸始知親誼厚不待見面時與
子爲婚姻五六年於茲相思未得見道遠書札稀今來
數晨夕歡然意無違高致在瀟灑流俗多是非閉關塵
壑中文史足娛嬉金門亦可隱榮祿毋妄希

人情愛朋侶亦苦惡客多每作京師遊匿跡避譏訶我

今就子居巷冷如巖阿板扉有剝啄鄉人喜來過姓名
或未識辭氣非媿嬰湖山渺在目舊遊話烟蘿呼杯共
小飲遂遣衰顏酡客去我卽臥趣適神亦和明朝倘無
客奈此寂寞何

長安居不易金盡難爲歡豪貴責望深所周非饑寒俗
情溺不返而我何所干子非甚有餘朝朝盛盤餐意厚
不蘄報感極赧在顏我有三尺琴珍過球琅玕聊以酬
嘉惠綠水從容彈願言祕此曲適俗良獨難

陸小雅戶部程容伯邵蕙西張惕齋三比部家筠
軒金愿谷雨中翰月夜餞飲

同看薊門月已教鄉思生

主客皆浙人

同傾燕市酒又別故

人行隱隱塞鴻度蕭蕭班馬鳴語長情不盡且復盡殘

更

定州

皸瘵殘年行未休定州寒色接幽州辛盤臘酒已無分

辛盤得青韭臘酒是黃柑東坡帥定武時詩也

明月清風空復愁

明月店清風店皆隸州境

雪浪石奇留舊跡

乾隆間仍以石還之州

春園花好記

宸遊

州有衆春園乾隆間巡幸過此嘗往遊焉

祇今過客看蕭索落日羣鴉

上戍樓

滹沱

平沙枯木曉鴉多
隔岸連羣臥橐駝
水上堅冰冰上雪
揮鞭容易過滹沱

故關

尙有雄關在時清
不設防荒苔埋廢鏃
凍雀下邊牆古
色前朝樹新寒昨夜霜

神京迴望處雲氣入蒼茫

井陘

設險遙連三晉地
舊聞鼠穴鬪冥冥
功名古歎無雙士
形勝新知第一陘
客路月憐殘夜白
塞垣山接太行青
西行漫說天門峻
世上崎嶇已慣經

除夕宿壽陽驛

一官自縛西南陬，兒女幾年鄉井留。
炊盆火活叉手坐，守歲獨吟還獨愁。
小妻冷病魔侮倦，枕時嫌喧臘鼓知。
我不樂無奈何，強起妝成一觴舉。
霜淒風緊壽陽驛，忽忽今年又除夕。
愁來勸慰更無人，饋食紛羅亦何益。
老矣不歸誠自誤，擬向夢中覓歸路。
黔山浙水都在念，一夢何能分兩處。
不如無夢得飽眠，五更起把西行鞭。
細思一事翻大笑，斷無債客喧門前。

介山

不見石桐寺空尋，綿上田介山終古。
綠桂樹國人憐，龍

息奚須禁鴻冥固自賢如何移陋俗未遣弔書傳

趙城道中

堠城三五里烟靄滿林蘿村近歸饑犢泥深沒病駝縣
樓聞漏早廚吏畏人過一曲汾西水征衣落葉多

發寺坡底

在蒲州城外數里

破寺椽椽唄誦空迴聽誰語相輪風不耕鹵地荒荒白
將曉霞天豔豔紅老樹一村懸郭外羣山百里走關中
葦杭水落真如帶河伯西來氣不雄

至西安程玉樵同年

德潤

留飲感賦

程前爲甘肅布政以庫案

罷降捐道員候補

不看杜曲韋曲花不弔長陵茂陵月單車短巷尋故人
相對龍鍾轉愁絕問君胡爲久居此爲愛終南山色美
開門扶杖看浮雲白衣蒼狗紛紛是風中六鷁竟如何
車前八騶知已矣聞言忼慨意未平我更難忘嵒湖水
嵒湖瀰瀰寒流緩憶昔東遊湖雪滿東秦十二冠蓋多
紫陌尋春舊同伴知余遠至商軟腳青錢買酒分餘煖
癸巳十二月余至濟南時玉樵爲都轉與王蘭卿學使
燕鰲石方伯孔莘農太守飲余于芙蓉泝上皆同年也
座上詩歌龍虎豪人閒歲月蟬蛸短退吏已歸松菊徑
文人或主芙蓉館鰲石已罷歸蘭
卿莘農已下世十年春夢感名場投
効真思返村疇海萍兩葉西與東豈期談笑今宵同絕

劍州之柏奇在，多百里塞盡澗，與阿劍州之柏多愈奇。
千譎萬幻無端倪，質如堅金色如石。老氣九州無與敵，
橫枝突怒穿別嶺。危根虛無掛絕壁，半枯半生態絕殊。
欲仆欲起勢尤激，怒芽潑黛媚魑魅。空腔出火下霹歷，
峯顛一株氣象尊。山中萬木皆兒孫，頑陰不受日月照。
一碧倒捲天光吞，翠雲搏結天上廊。舊有翠雲廊之名每來見
此喜欲狂，朝朝夕汐弄奇響。上天下地流空香，只愁山
盡樹亦盡，不因路險嫌山長。拙吟體物苦難肖，寫示旁
人供一笑。須知物類何重輕，端賴風檄足憑弔。仙蹤尙
有留侯山。紫柏山留侯祠，柏亦奇古。神物終懷孔明廟。

嘯雲弟至蘇州相逐

容鬢看如故年來夢見曾喜心生酒琰遠道累行滕才
豈難爲弟官應不負丞

弟爲大竹丞

蝸髻吾最憶風雨共書

燈

亦園感舊

園在布政使署廳事之西嘉慶戊辰外舅姚一
如方伯命余讀書署中距今四十二年重來茲
園風景如新而髮已種種矣感念今昔不能無

詩

亦園訪何時塵揜北查榜

園葢舊有題榜二字則乾隆壬子天津查公蓮坡所書今

已漫漶方
葺而新之

余今幸重來二月碧草長池塘既明淨亭榭

亦森爽簷花百重亞牆竹萬梢養豈無新種植或有舊
吟賞人應巢燕識事與江水往有如夢所歷醒憶半迷
罔當時同遊人風流入長想向晨數天星存者僅三兩
同遊是園者惟春木父子
及其從弟子抑尚存耳羲和不停鞭白髮已盈丈酒
盃無好懷琴絃有悽響

到官未久海棠盛開有作

蜀中海棠號香國策馬重探此段奇春氣併歸全樹出
笑顏開與故人期四十年前亦
園已有此花施朱施粉態都俗不雨
不晴天最宜便道官忙莫相負夜深銀燭傍花移

池荷始花與客飲

我所思者嵒山湖半城荷花烟水腴危亭

歷下亭

四面受

花氣拍拍時還來野鳧當時芳讌數會客碧筒拗折狂

歌呼我所思者夢草池

池在貴州臬司署

新荷出水紅萬枝陂

塘十頃落枕席閉戶吟賞不擇時勾留五載莫我奪懷

抱甚樂童奴嗤

余司黔臬五年向無若是之久者家人皆以貧爲患而余頗樂其簡靜

今

年行李西入蜀亦有西園寄遊矚一池舊鑿小而荒其

右甘蕉左修竹便思踏藕呼村兒剔石疏泉養深綠南

風十日吹不止大葉如雲密相蹙只憐葉底花兩三賓

客來看興未足有酒薄薄姑少留白鷗浩蕩君解否夢

中別有花世界一片西湖雲錦秋涼波畫舫不知數更
無無酒無花處一日天涯許放歸何須太華峯頭去

題舊畫蓬萊閣圖

何來海鳥亂烟蕪二十年前五尺圖平檻波光大圓鏡
落帆山色小方壺幾曾得暇千迴到細數同遊一个無
東望而今更愁絕樓頭村鼓夜鳴桴

時聞登州
海上有警

見姚三子抑因懷春木

君亦衰如此相逢一泣然故人誰裹飯萬里聽啼鵲忍
斷杯中物思牽岸上船樓遲九峯底終想阿兄賢

重遊草堂

一
笑梅花下春風我又來
年年人日酒寂寞向誰開
白石不能煮朱顏
安在哉君看錦江水東去不曾回

水檻觀魚

杜公草堂成嘗哦水檻詩
何時築此室遂以詩名之
春水高拍岸午風涼滿陂
交床一臨憩竹影青參差
潛魚匿深黑不見鱗與鬣
投食忽羣至聲若風雨馳
相逐頗有爭飽啖無所疑
碧然出水躍作勢如欲飛
其樂亦已甚觀者如莊施
顧念世人黠恐爲甘餌欺
一朝失波濤金鬻良可哀
哀樂自相倚魚乎知未知

杜文貞公祠

聲名三大禮涕淚一長吟何限開天事難爲稷契心江
山餘寂寞須鬢想蕭森祠有石誰識詩中妙花溪日夜
深

昭烈帝惠陵

漢家天意屬樓桑撫髀生平百戰場三代人才得伊呂
兩京餘烈殿高光吳猶拒魏兵何急子不如孫事可傷
井火已銷抔土在笑他疑冢太荒唐

江上送友

灘石鑿鑿高復低竹篙彎彎東復西乘風急下空船峽
恐有秋猿向客啼

送張椒雲 集馨 擢黔藩入覲

讀書不負九千卷，誅盜曾聞七百人。
已覺山邨桴鼓靜，乍看瑤殿璽函新。
饑鴻踞月江連楚，瘦馬盤雲棧入秦。
西蜀由來天下險，好將民隱答

咨詢

黔中地僻多閒樂，元氣如人未病時。
政令要看三代復，姓名此去百蠻知。
雲邊樹擁奢香驛，雪後鶯啼濟火祠。
策騎東風應憶我，起尋青壁舊饒詩。

修文縣陽明洞在龍場之東，有明御史合江馮晉卿崇禎己卯所立碑文頗簡質而字跡已漶滅。

矣道光丙午與同官謀以陽明先生詩文壽諸石并以馮文刊新碑凡六閱月乃訖事摹勒者新化歐陽鷗也頃檢閱搨本補成一詩

黔山寨諸縣無處不巖洞謫宦來名賢地乃以人重由來講學家同異紛聚訟要非尋常人出處備體用求道憂患中心豈爲物動風教被蠻村于今習絃誦舊跡荒荆榛過者亦心恫遺文亟披尋新碑更斲斲朱門喜修築不惜損清俸樓館雖甚華惟供一笑闕

花宜館詩鈔卷之十三終

花宜館詩鈔卷之十四

錢塘吳振棫宜甫

古今體詩七十四首

起庚戌盡
壬子春

馬藝林觀察

秀儒

往灌縣開堰

青秧無水那能栽
村堰鬪爭意可哀

春旱水涸每以
明爭堰水致訟

日縣門看駐馬
江聲正逐雨聲來

胷中梨棗乞君論
世有神仙長子孫
一笠一筇能去否

青城山下老人村

五月向盡菊花盛開

睡起腳不襪
亂蟬鳴柳枝如何避暑
飲醉到菊花籬時

序豈無定物情偏好奇翻愁陶靖節寂寞負秋期

唐子畏蘭亭雅集卷子

卷有文衡山書蘭亭雅集
四大字後以袂帖臨本附

之

修竹森立水盤紆流盃接觴衆賓娛被服儒雅顏鬢古

云是修禊蘭亭圖蘭亭屢建失初地石柱而今空有記

唐人吟讌宋人遊

唐之蘭亭非晉之舊宋
之蘭亭又非唐之舊矣

因慕高名踵

其事生前杯酒豈爲名能詩何必詩皆成卽如右軍禊

帖亦是偶然筆未料後來書手無一能爭衡觴詠當管

絃彭殤一生死形骸放浪懷抱好江左風流類如此寅

也骯髒厭俗塵心愛晉人能率真遂爲一一寫形似清

言狂嘯如可聞如何昔人不解事乃以一序擬季倫珊
枝錦障何足道綠珠之死空悲辛當時豪侈壓琇愷已
被坡老嘲聚蟲丹青不遣畫金谷寅乎寅乎真可人

李石梧宮保

星沅

挽詞

嗟君胡遽死羣盜正如毛伏枕驚烽火捫鞞負寶刀春
侵粵嶺瘴暮咽楚江濤士氣防摧阻翻增

旰食勞

今日誰頗牧諸君况未和移營心憤激草疏涕滂沱餉
饋司農缺瘡痍列郡多安邊應有策一死奈公何

乞病前年事湘山去拂衣攀號心未已討捕命難違盛

矣功名會危哉富貴機龍鍾八旬母猶自望南歸

觀物四首

一斛瓊蘇醉不禁坐看王母鬢霜侵龍耕芝草閒情在
大吹桃花舊恨深老嬾尙容陪紫府飛升終要鍊黃金

靈書中籙難拋卻恐負刀圭濟物心

仙

薜衣蘿帶影鬢影奇語曾聞載一車斷蘚夜吟華表月
冷燐春戀戰場花夢中顏色如平日地下文章又幾家
南面王應輸此樂荒唐偏讓髑髏誇

鬼

蕩蕩元雲闕太陰可憐尺木判升沈乾坤無事此閒臥
風雨乍寒時一吟世界蒼茫休見尾神功變幻總隨心

奇光合抱明珠老未許人間領下尋龍

看盡芳韶意可知仙衣前世已迷離逍遙遊是平生夢
輕薄名羞一輩詩別恨故園芳草色新愁團扇暮秋時
滕王去後無消息更欲翩躚舞向誰蝶

觀我四首

明月家家祝蚌胎大千世界偶然來微漚有影終須滅
靈草無根亦任栽間氣山河悲寂寞癡魂日夜盼輪迴
昌黎玉局人難得磨蝎如何因此才生

多年傀儡厭牽絲鶴髮鷄皮又一時采藥猶思逐彭羨
揮戈無計駐崦嵫詩懷舊侶今誰在事話前朝客未知

與健與閒天意厚婆娑聊鬪歲寒姿

老

隱几扶牀靜亦宜卻嫌瘦骨太支離兼旬謝客緣都息
一味安心藥最奇予我鍼砭思諍友誤人家國哭庸醫
較量更有愁難療憑仗杯中味似飴

病

寒蟬咽盡蛻空存小劫恩恩電影奔一笑居然吾事了

千秋儘付後人論未須歸著分仙佛

用白香山語意

頗愧蒸嘗

倚子孫

用朱桐鄉語意

知已相逢應拍手青山明月伴詩魂死

都門秋柳詩和陸次山別駕

幾

元韻

殘柳蕭蕭葉打頭玉河聯騎慣尋秋雨三樹外看斜照
四十年前記舊遊

余嘉慶壬申入都今四十年矣

羅扇尙存空綺語雕

闌重倚有新愁淒涼影子模糊夢莫問歌樓更酒樓

碣館新寒曉角吹幾回攀折悵臨歧

余出入都門十六回矣

向人

心性狂猶在滿眼風霜老不支照影江潭明似練含情
燕草亂於絲永豐南角荒涼甚怕唱銷魂白傅詞

柔枯竹折等前因誰識靈和殿裏春幾輩風流非綠鬢
半生消受是紅塵蝨紋欲滅空成字舞態難工早讓人
看到驛牆憔悴色畫輪真誤浪遊身

不似疎陰接暗門

卽湧金門

蘆溝從古最消魂話殘漢苑唐

宮事夢冷湖烟嶺月痕馬足倦時愁送別蛾眉老去怯
承恩歸吳終踐西風約柳下期君煖竈溫

食荔支感賦

南船北馬歷數州但恨不到粵與甌

生平惟聞粵及甘肅未至

荔支

飽啖飯相半論園買夏還能否益部所產非第一宋香

陳紫應難伴南賓手種早枯朽誰復對酒臨高樓春工

似憐阿環笑護持半樹矜風流

今惟嘉州有半樹耳

嘉州太守稱

好事夜募健步雙籠投封緘未啓異香發童孺走索饒

涎流羅襦乍解可憐紫晶丸眩晃醒昏眸神仙肌膚自

冰雪手不忍觸嬌而柔君謨譜錄夙未見敢謂此物非

其尤卻憶趨庭逐坡老當時四海一子由

坡句

同餐火竇

徵往事對床夜雨相吟謳

辛未歲曼雲兄與余同賦唐宮荔枝香事七古一篇兄詩

刊硯壽堂集余
舊稿已失去
祇今觀此那忍喫脊令孤影鳴霜秋始
知推梨與讓棗人生至樂非易求

林少穆官保

則徐
挽詞

事過清議在身退

嗣皇知疏薦名逾重軍興病敢辭
灰釘徵驛舍牲醴重
鄉祠烽燧何時息翻愁報荅遲

雲龍逐蹤跡往往在西南詞翰憑人乞
風波變色談死
忠臣願慰繼業後人堪美諡褒榮極平生信不慚

少谷山人墨筆花卉卷子爲鄭小軒刺史

安仁題

遲清亭子好風日寫花寫葉空山春墨痕一掃熙筌派

不食人間烟火人

流傳終落南湖鄭

小軒爲少谷十一世孫

一卷風流三百年豪家

亦有誇真賞過眼雲烟轉可憐

少谷山人詩翰真蹟

吏部名高直諫風歸來桑苎故園空

少谷所居有桑苎園

餘生興

落烟霞外變雅詩成涕淚中新喜後賢尊手澤爭看妙蹟挽天工鄭虔三絕當誰亞旗鼓中原早並雄

支少鶴學使

清彥

書來極言行役之苦并寄示紀

程七絕二十首

詩筒持向短檠看始信印跡叱馭難百道泉爭村路窄

萬山雪擁使車寒喜聞好語人無恙細數歸期臘未殘
待折官梅作清供紅爐翠幙話團樂

呂堯仙方伯

任孫

運甓圖

史稱運百甓蓋有長沙陶奮身拚躄厄固是人中豪方
今鴻化暢

嗣皇大哉堯華夷海內外拊舞賀所遭重臣急薦賢易
筮連茹茅君年未五十視草冠詞曹一歲三遷官早晚
建節旄巍巍養威重鄙事豈所操胡爲畫此卷豈爲誠
遊敖百姦生孽芽每在極盛朝文恬吏不悚武弛兵益
驕宴安積美疾疲鈍成鉛刀事迷突薪徙意苦瑟柱膠

類然坐隳壞臣逸后乃勞願君持此念感勵莫復朝位
置斬帖妥垢缺勤爬搔敬勝靡有怠健行何所撓美政
踐先躅清風入民謠結交託金石贈言在久要但祝督
入州諂子防見嘲

謁宋文憲公

濂祠

文憲謫蜀旣歿葬於夔蜀獻王思其賢遷葬成
都東門外卽淨居寺爲祠屢有興替今廡毀日
甚地爲居民所侵爰稽故牒理其界捐俸修復
祠旁益以廊宇亭館環植花木爲春秋奉祠憩
息之所旣訖功偕鄉人薦牲醴焉而紀之以詩

四賢名姓重金門晚成忠州失主恩卜兆遠依香界樹
懷鄉難返錦江魂異時俎豆英靈共祠中舊以方先生
正學附祀今仍之
開國文章體格尊莫向寒蕪悲馬鬣墓在
祠後孝陵南望暮
烟昏

大雲弟自山左至

黔山秋八月林谷風力猛挽歌雜離歌昔別最酸冷甲辰

秋大雲與兒輩護王夫人柩自黔返浙子歸復東遊我馬亦西騁荏苒三

四年蹤跡不合并書來歷亭下念我將遠省覽書喜更
憂憂此蜀道永溪寒霧雨淫山暮豺虎警村醪酸如蘓
客思曷由屏五句斷消息中路恐艱梗入門怪未瘦出

險誠爾幸殘牙負軟嚼急救作蒸餅問蒼苦難休深夜
燭更秉且從杯勺酣少緩籤帙整客中會合難不比在
鄉井

夏日過周執葦通叅園林

幾歲歸乘下澤轅一區新買野人園羲皇以上陶元亮
夷惠之間李仲元露簟夕涼無復夢風甌語細不聞喧
問君梨棗胸中事日漑華池自有源

執庵年八十餘而神明不衰

耳聾

蟻動牛鬪徒紛紜雷霆髣髴兒啼聞家人白事苦相勸
意不曉解翻怒噴向客時時兩耳聾塊然形骸木雕備

一身五官各有職官不舉職官乃穴乖龍且罰吾敢辭
濡忍不割非將種猩猩善啼狒善笑滿地春蛙無理鬧
未能洗向清冷淵不如塞此混沌竅既非作勞始攪疾
社酒香濃奚用療上官似惜亦似矜謂雖年老拜跪能
兩請解職制府徐公
不允故用龔丞語 客嘲賓難置不荅鼎鑪之謂能無
懲勞勞歲月幾何許河魚出膏以自煮山中故人昨有
書但寄當歸無別語

蕭照光武渡庠沱圖

前者畢渡容色怡卻顧後軍如歎嚙後者坡陁出復沒
以策策馬馬絕馳中間數騎僵欲倒正是倉卒囊沙時

天寒有霜復有雪馬毛蜩縮人面裂川禽原獸遠遁逃
沙草風林各摧折蕭生粉墨太慘淡當日疆場可粗說
饒陽椎鼓聲淵淵門者不閉奔南轅引車空舍遽如許
對竈燎衣殊可憐白衣老父頗解事轉眼建武書元年
人言已見井火熾神助自報河冰堅果然一笑遂前趨
帝王符命皆由天空堂太息圖重看四七雲臺功可案
公孫一語最深切臣願無忘河北難高鳥已盡良弓藏
韓彭趙醢薄高皇君不見黃門奉詔頒錢帛還憶虜沓
麥飯香

柬陳廣勇

溥

峨眉山頭月色新古來常與詩人親太白不生子瞻死
可憐明月向何人陳生闊達惟嗜酒醉腳西向峨眉走
舞榭彈棋事事能倒冠落佩時時有近來閉門秋草中
上下四方何所從喙長三尺吐不得聞道公卿多老傭
秋聲攬人不能臥新到江頭酒船大吾方厲劍荆妖墓
請爾醉歌爲月賀

是夜
月食

春晚

春去不能挽亂啼聞曉禽滿天迷絮影一雨展桑陰把
酒膏騰趣看雲去住心暫閒聊自放休問鬢霜侵

初夏

簿書堆裏漏聲忙，尚有餘閒喜日長。翠竹垂垂梢拂地，

慈竹梢皆倒垂

紅蕉豔豔葉過牆。

美人蕉有長丈餘者

病難謝客敲牀語。

老縱耽書掩卷忘，擬趁嫩晴騎瘦馬。綠針穿水看新秧。

有憶

雁到書不到，無書省卻愁。生憎江上水，偏向故鄉流。

感硯篇

有序

玉兔朝元硯形正，圓高一寸徑五寸許，背刻月

兔四圍，刻乾隆

御銘，尚方仿宋製也。嘉慶

九年甲子，循乾隆甲子故事。

大駕幸翰林

院

賜宴賦詩，稱爲極盛。婦翁王勿庵侍郎

以乙卯廷對第一官翰林蒙

賜文綺彩牋

諸物硯其一也後十年甲戌余忝厠詞館乞假歸娶於江南學使者署以此硯充匱具及今幾四十年世事遷變老境迫人撫眎慨歎爰志其顛末以詔我後

同科會狀叔與季

國朝嘉話菱湖王

勿庵公有兩兄季弟以銘則乙卯會試第一人也

王恭一生

無長物寶硯承

恩來尙方憶昔

睿皇初御殿前英後傑紛登薦已除共絲收政權旋埽

機槍清海甸甲子重開舊典循萬乘天臨翰林院柏梁

漢殿續歌詩

是日律首末二字

御製用唐張說東壁圖書府五

其分韻所不及者別爲柏梁體一篇亦依乾隆間故事也蕙扇堯廚催

賜宴

恩禮尤親侍從臣一日珍奇頒賚遍玉堂仙人抱硯歸
團團萬古月不虧襲以綈錦扇以櫝上有

天語防偷窺後來攜持作匱具練裘竹筥增光輝宮袍

戴星入內直

公直書房

凡十餘年

上

我亦校書充館職朝

迴花底日陪從衛樂清言風氣逼漢書可下酒杯深飛
絮同吟春雪色此情此景誰知得此硯當時日在側眼

中華屋忽山邱朝局幾更棋白黑侍郎高墳木已拱公
於洋里 賜書壓架蛛絲擁烏衣門巷漸蕭條誰識

先朝舊恩寵嗟余十載羈老鰥低顏辛苦塵埃間湖雲

嶺月極眺望墓祭何日舟東還時王夫人已 泡影全消

夢將醒玳匣猶存兔華冷呼童將去不忍看老眸無淚

但淒哽

高房山畫

上題天降時雨
山川出雲入字

風捲亂雲山欲飛漲痕三尺沒苔磯絕憐破繖遮頭客

有底忙時不早歸

川馬歌

四川小馬天下傳騎來蹀躞春風前已將白玉雕爲勒
更拗紅珊瑚把作鞭五花散鬢雙耳峻馬行爭賣無官印
不是權奇八尺龍居然聲價千金駿方今烽羽驚原野
入陣人人思快馬萬蹄蹴踏要驍騰嗟爾瑣瑣奚爲者
勲名難望玉花虬但可呼爲果下騮白沙翠竹江村路
付與春人作冶遊

松文清公虎字歌

仁宗至仁容直諫文清在朝時拜章樸忠頗不識忌諱
亦有謠詠多中傷清名偉節動中外每以尺箠笞戎羌
邊庭臥護烽候靜帖耳受驅如犬羊生無他嗜苦嗜酒

燒脊痛吸不擇偶醉酣興發作虎字字大於身膽如斗
尋丈以外一筆成山摧谷動雷雨傾雄強蓄勢跳躍出
得虎生氣匪以形懸之幽堂風夜吼老魅走避兒童驚
愛公書者摩挲極公之所重非翰墨藜藿不採衆憎伏
淮南寢謀賴汲直

鼎湖龍去四海慟公亦騎箕侍

帝側狐狸瑣瑣姑弗問羆羆吞噬浩莫測紛紜世事已
十年慘淡風烟想顏色卽今塵壁剩鉅幅不敢逼視坐
歎息吁嗟乎怒猊渴驥妙絕倫書中之聖自有人守在
四夷誰虎臣

漢長生無極瓦硯歌

硯徑五寸餘圍一尺六寸而強厚一寸而弱漢
未央宮瓦頭所琢也未央瓦有長樂未央儲胥
未央漢并天下萬壽無疆永壽無疆長生無極
諸篆文姚子繩武得此成都市中持以爲余壽
余時正六十初度也

三千年瓦不缺蝕四字回環勢敵側見者謂出漢未央
鄼侯造宮篆深刻何時出土誰改作陽款陰識求莫得
姚子買取爲我貽祝我長生壽千億我聞生死一夜旦
曇籥陰陽互消息學仙貪生佛惡死不溺二氏稍有識

人生所重不朽三愧我疎放未修飭旣無勳名足震耀
亦無文章供楷式况又不解書與畫俾世愛重摹復勒
紙尾畫諾負佳硯拜而受之面慚色行年已是六十化
三歎崦嵫日西匿聲名湛輩絕可憐峴首他時有誰憶
細思投贈有深意不尙硯材尙硯德內以植體重且堅
外以應用靜而默自來硯壽蓋有由易盡不比人磨墨
不雕不琢天乃全含章葆真毋自賊悠然盡此百年期
便是長生永無極若因昵古肆考索說真說贗徒啾唧
香姜銅雀亦自奇碌碌瓦全何愛惜

雜題戴務旃畫冊

稻熟田如洗霜寒網不開柴門傍秋水閒待白鷗來
鳥聲初出林農家起來早楓葉紅滿溪昨夜霜多少
斷岸冰成柱遙峯玉作皴如何詩世界沒箇跨驢人
萬壑秋聲滿千崖雨氣濃歸禽向何處遙識寺門松

薛濤井

三十年前竹徑斜後來修築競繁華
舊時惟叢竹中一井嘉慶末年始建
館如何亭館參差處不種枇杷一樹花

一番新雨洗新泉碧鬢苔深不記年
解染桃花好顏色

家家爭寫美人牋

蜀中驚薛濤牋爲時所尚

松如歿數歲矣子鳳翔刊其遺詩曩與余酬和之

句皆在焉展視既周泣然有作

交道方期白首新翻從篇翰愴前塵如聞蒿里淒涼曲
無復松陵唱和人姓氏集中知互見身名世上究誰親
微吟彷彿須麋見萬字都歸一字真

青羊宮

青牛出關耶青羊入肆矣世人喜怪好神仙瑣記軼聞
徵俶詭或云太史儋或云老萊是或云皆不然并亦非

李耳書義推行龍門遷斷以三字隱君子

見方苞書老子傳後

守

雌源出金人銘道德不離清靜旨

余延燦老子論謂其學出於金人銘一百

十八

漢家濯龍肇享將華葢飾座大樂張唐尊太上大

聖祖麟德作備天寶荒太清朝獻典何重靈符遺像尤
荒唐此邦崇建始何代志乘闕如無記載但聞黃虎食
人時席帽書癡死千輩張獻忠據成都試土於青羊宮至則盡殺之見蜀碧我今
來遊及春早廢殿荒臺滿烟草舊事茫茫不可論且看

入市花枝好

每歲正月花市極盛

寄黃仙嶠

士瀛

觀察瀘州

五峯朝暮對嶙峋畫諾餘閒坐嘯頻紗帽夢隨鷗鳥遠
綵箋吟入竹枝新樓頭江繞蠻中路簾底花迎雪後春
燈市上元今上九肯來閒踏六街塵聞以新歲將來成都正月初九蜀人

謂之上九即試燈矣

北行

上元燈火日鮮新鞭影風催驛路塵

正月十七日啓行

萬里江

橋人惜別三年花市客驚春

上元前後青羊宮花市頗盛

文書易誤

重呼吏僕馬無多尙累民

蜀民賦輕而徭役重

此去喜瞻天日表

似聞

堯顙類

高辛

大木戍寄友

破碎山無狀荒唐樹有神何期垂老日還作遠遊人
昨夜劍門雨應過錦水濱酒邊知憶我花放草堂春

宿大安驛

風起墟烟亂林斜客路分

入秦入隴
由此分路

晴沙通隴戍春氣

豔秦雲燭盡微醒解人歸夜語聞明朝回望處棧樹碧
氤氳

白石土地

白石土地在蜀棧中祈者報者輒刊一二尺許
短碑嵌山脇鱗次櫛比不知其幾千百也

土地土地石其質白其謚雲霧霧神所次似聞不聞石
夜語驅逐魍魎護行旅東村暮立碣西舍晨刊碑琢者
斤鑿者椎石髓竭石骨摧人壽幾何石壽長作爲靈怪

以召殃吁嗟白石不自保路人焚香向石禱

東湖

鳳翔八觀稱絕奇尤重周鼓兼秦碑坡公已後我更後
遺跡盡矣奚觀爲獨留飲鳳池中一泓水曾照峩眉年
少來題詩公來簽判二十六未識杭州千頃綠東湖一
篇意已盡西湖千首吟不足胷中未必無較量邦人嚮
慕有遺躅暮歸倒載句偶然至今花樹圍祠屋君不見
王中令李將軍名園高閣今無聞當時作事空暴恣何
似東湖之水千古流斜曛

王彥超真興寺閣李茂貞園八觀詩之二也

咸陽姚明府於渭之北岸構屋十數楹榜曰青青

客舍遇風浪不可渡則止客宿焉余偶憩其地
依陽關調作一詩

柳芽纔吐碧烟搓柳外新添屋宇多勸君酣臥不須起
今日顛風無渡河

詩船招飲卽席賦呈并懷春木

娟娟皓湖月浮浮鮑山雲冉冉闕歲年悠悠感離羣二
月遊秦川陌上草已薰飛騎遠招客故人意殷勤圖書
足清娛談笑淹夜分雖非久會合旣見良足欣觴罷復
自歎何時息勞筋

蕤香人秋夢未許乞長假復此千里遊來見君與華華

山出雲雨膏澤佐醴化文符付羣僚琴詠陶良夜古來
歌卿雲擊壤和於下不聞廢廢颺未見工彈射此語吾
豈誣纖兒自驚訝

近有以君喜吟咏
爲蜚語者故云

君家五茸間春草深復深結鄰南埭老聯牀日詭吟仕
隱匪一軌東南盛朋簪壯別未知惜老別愁不禁辛苦
塵埃下企想飛鴻音比者文錄刊劄緝酬苦心

六朝二百載大哉著作林助成不朽業孱劣焉能任

春木

輯國朝文錄
詩船爲之刊行

見詩船去年閱兵漢鳳紀行諸詩有作

千騎秦原畫角催巡邊西過祀鷄臺馬頭山色褒斜盡

雁外秋聲漢沔來偶作歌行新壁壘有如號令蕭風雷
金牛古道尤奇險重鎮迴翔待此才

由沔入蜀諸奇勝詩船未至也

詠樊噲

南北公如將一軍算來產祿最情親英雄早死真天幸
不遣娥姁誤此人

鴻門坂詠張良

楚軍百萬誰並雄氣吞劉季季力窮片言宛轉入謝過
此意得之黃石公項伯之劍樊侯盾居巢老翁空發憤
良平決策多智巧出入萬死非草草劉興項蹶定此日
未央論功當第一蕭曹故人不可先只合辟穀從神仙

世閒飛鳥良弓論良豈無謀能自全

新豐

鬪鷄蹴鞠快生平遷社枌榆最有情故舊相逢應撫掌
十年前是一杯羹

繡嶺

荒涼繡嶺斷遊蹤霜柏槎枒古黛濃說與癡奴渾不信
朝元閣在第三峯

驪山溫泉由來已久唐天寶亂後絕少臨幸晉天
福中改靈泉觀其後益堙廢今所稱御湯太子
湯康熙四十二年所作以備巡幸者又新湯二

男湯一女湯一亦後作非故址也按四十二年

諭旨有母以朕臨幸之後禁民洗浴語故
至今居人過客皆得浴焉而館人司其事者亦
藉有所獲以給衣食因爲一詩紀之

蓮花鬘玉早消磨阿鵲湯前感詠多誰似

聖神天子事能翻甌水作恩波

寒食雨中發臨潼

曉鷄纔唱趣征驂二水分流斂淺藍寒食雨聲偏客裏
杏花村舍似江南添成一尺泥痕滑畫出千畦麥氣酣
遙指平原傍零口長楊羽獵尙能談

康熙四十二年

聖駕駐驛嘗于

零口
小獵

華筍行

華州民種竹而不鬻筍長刀巨槌邏守甚嚴竊
之者深夜入林中往往爲守者所殺而官廚重
此味尙有忘軀命以射利者今年二月過華感
其事因作是詩

華人護筍不鬻錢欲養竹竿青上天貴人朵頤輒來乞
官募貧兒使偷掘風號月黑匍匐往二寸尖尖柔玉長
滿攜懷袖歸大笑明且獻官官有賞禍機一發身被創
生者幸矣死莫償孤兒寡婦自啼哭筵上但誇春筍香

往時應募貪微利近亦貪生數辭避只愁高宴急徵求
地凍雷遲苦難致吁嗟賞盜盜乃多饑舌殺人將奈何
吾儕作吏那免俗曷不飽食花豬肉

宿嶽祠

天邊金碧拱靈壇許借三椽旅宿安萬籟夜消祠樹靜
一燈人坐嶽雲寒住經香國吾思蜀亦園海棠此時當大開故云踏
到層巔事憶韓二十八潭如歎玉往來憑向夢中看

郭汾陽王故里

傳聞富壽感星辰中外安危繫一身似此勲名公豈願
百年天子幾蒙塵

潼關渡河

天下無常險關門自上游河聲驅萬古樹色劃三州

出關

卽豫境過河卽晉境樂土久銷甲深春尙擁裘風埏遙指識寂寞
午帆收

蒲州道中寄詩船

野館無花日易曛清香畫戟每思君中條太華遙相接
只隔河流不隔雲

中條山懷司空表聖

貽溪傍幽谷傳是昔賢居高節詩難掩人情老更疎
斷碑春澗外歸鳥夕鐘初多少宜休客風流謝不如

介山懷古

功成慕高蹈，怨懟亦何心。附會多如此，流傳遂至今。征人度寒食，遠目極空林。向不從衰偃，鴻冥誰見尋。

聞喜弔裴晉公

朋黨難消賊，易除四朝遺。跡動欵獻風，裁陸贄詞尤激。功業汾陽福，不如豈有賢。姦能並進空，言恩禮未全。疏蕭條綠野堂，中酒世事傷。心白首餘。

花宜館詩鈔卷之十四終